

問人以石首之名皆不能言余讀張勃吳錄載吳有

石首魚至秋化為冠鳧頭中有石

嶺表錄異石首魚狀如鰓魚隨其小

大腦中有一石子如蕎麥瑩如白玉海族志腹中鰓可作膠成化四明郡志石首魚首有鰓細如牙堅如石故名石首臘月則剝皮為良三月八月味次之孟夏之交緣海之民以巨艘小舸競入洋山海中捕取潮汎往來有陰謂之洋山魚

春魚

成化四明郡志形似石首而小每春三月業海

漁人競以舟載竹莆出海捕之名曰捉春冬月莆中

得者名曰莆春

梅魚

海味索隱鯉魚黃魚各有一種肉與味亦自不

同即如吾郡梅魚比黃魚極小肉與味正相似閩中